



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **10-366-2/21**

Sarajevo, 2.4.2021. godine

Int. br. nabavke: **10-238-3/21**

Na osnovu člana 18. stav 1. i člana 21. stav (1) tačka d) Zakona o javnim nabavkama BiH (Službeni glasnik BiH, broj: 39/14), člana 47. Statuta "Agencije za vodno područje rijeke Save" Sarajevo, donosim

ODLUKU

o pokretanju postupka javne nabavke usluga – Pregovarački postupak bez objave obavjesti o nabavci
"Hitna intervencija na uklanjanju kemikalija sa obala i korita rijeke Željeznice u naselju Sokolović kolonija po nalogu vodnog inspektora"

Član 1.

Pokreće se postupak javne nabavke **pregovaračkim postupkom bez objave obavještenja o nabavci** za nabavku usluga čiji je predmet **Hitna intervencija na uklanjanju kemikalija sa obala i korita rijeke Željeznice u naselju Sokolović kolonija po nalogu vodnog inspektora.**

Član 2.

Procjenjena vrijednost javne nabavke iznosi 20.000,00 KM (slovima: dvadesethiljada konvertibilnih maraka) bez PDV-a.

Za nabavku usluga iz člana 1. ove Odluke predviđena su sredstva u sklopu Plana i Finansijskog plana Agencije za 2021. godinu, ekonomski kod 617000, stavka Plana F - Rezerva.

Član 3.

Poziv za dostavljanje zahtjeva za učešće u postupku iz člana 1. Ove Odluke uputiti ponuđaču .

Član 4.

Ova odluka stupa na snagu danom donošenja.

Obrazloženje

Federalni vodni inspektor je aktom broj: UP1-14-21-2-00039/2021-14-P-14-2 od 31.03.2021. godine izdao Nalog "Agenciji za vodno područje rijeke Save" Sarajevo za uklanjanje i zbrinjavanje kemikalija (boja, sredstva za penetraciju i fiksiranje u tekstilnoj industriji) iz suhog dijela korita rijeke Željeznice i vodnog dobra rijeke Željeznice, te u neposrednoj blizini bunara koji je u funkciji javnog vodosnabdijevanja stanovništva vodom za piće, u naselju Sokolović kolonija, općina Ilidža. Zatraženo je hitno djelovanje zbog mogućeg miješanja navedenih kemikalija sa površinskim i podzemnim vodama na ovom lokalitetu.

Glavni federalni vodni inspektor je obilaskom terena izvršenom dana 29.03.2021. godine utvrdio da je na najmanje tri lokacije obala i korita rijeke Željeznice u naselju Sokolović kolonija, u dužini od cca 200 m, izvršeno deponovanje nekoliko tona kemikalija od strane nepoznatog lica. Vizuelnim pregledom utvrđeno je da se radi o bojama za tekstilnu industriju kao i kemikalijama za penetraciju i fiksiranje boje. Kemikalije su upakovane u kartonske kutije i najlonske vreće. Većina kemikalija je istrešena van ambalaže ili se nalazi van ambalaže tako da je već došlo do mješanja površinskim i podzemnim vodama na ovom lokalitetu. Zbog toga je naloženo da se ODMAH reaguje i navedene kemikalije uklone sa obala i korita rijeke Željeznice.

Shodno navedenom, dana 01.04.2021. godine putem emaila smo se obratili firmi "DELTA PETROL" d.o.o. Kakanj za dostavu ponude za uklanjanje, odvoz i adekvatno zbrinjavanje navedenog otpada. Napominjemo da je navedena firma jedina firma koja posjeduje ovlaštenje za obavljanje poslova provođenja mjera otklanjanja ili spriječavanja zagađenja voda u slučaju iznenadnog zagađenja ili opasnosti od iznenadnog zagađenja voda (što je vidljivo iz Liste pravnih lica kojima su izdata ovlaštenja i koja se nalazi na web stranici Federalnog ministarstva poljoprivrede, vodoprivrede i šumarstva – kopija u prilogu).

Istog dana dobili smo ponudu firme "DELTA PETROL" d.o.o. Kakanj (akt broj: 705/21-DS) na iznos od 20.000,00 KM bez PDV-a.

Pošto predmetna aktivnost nije uključena u Plan i Finansijski plan AVP Sava za 2021. godinu niti su za istu obezbjeđena sredstva, neophodno je da se potrebna sredstva obezbjede iz stavke Tekuća rezerva.

Zbog potrebe hitnog djelovanja i imajući u vidu da se radi o ekskluzivitetu firme DELTA PETROL" d.o.o. Kakanj na aktivnosti koje je potrebno realizovati, predlaže se provođenje postupka javne nabavke putem pregovaračkog postupka bez objave.

Dostaviti:

- Sektor za ekonomske, pravne i opšte poslove
- Sektor za upravljanje vodama
- a/a


DIREKTOR
Sejad Delić, dipl.inž.